

GAURKO JOKABIDEA EUSKALERRIAN

Ez daust bildurrik emoten azterketa au lau aizetara zabal-tzeak etsaiak bere gogoetan artuta, gure aurka ibiliko dauela-koan. Neure ustea alderantzizkoa dalako. Alde batetik: «Euskaldur•ak erri-bat garalako Ludi onen arrazoizko egitan ». Beste aldetik: «Espainolak eta Frantzezak, euren arrazoiz-kanpoko izakeraren asmakizunean, ez dabelako on-artzen gure izatea edo Nortasuna, eurak izateko.

Eurak, txikerrak garela esaten dabe. Eta guri ZER!, ez gara ba"? Ludi onen izaerak ez dira neurtzen Nortasuna dau- kien gauzetatik ba? Orregaitik, Mundu onen arrazoi bidetik neurtu egin bear dira eskubide eta beartasunak, Nortasunaren ardurak diranak, Nortasunaren artean osotu bear diralako. Baiña zoritxarrez, Norkeria agertzen jaku, eta OR! agertzen dira gure arteko borrokak; bai etsaiaren aurka, bai gure artean. Eta oso gogorak gaiñera.

Etsaiaren aldetik: «LA UNIDAD DE DESTINO EN LO UNIVERSAL» eta «POR LA GRACIA DE DIOS» izkera goratuakaz izkutuko sineskerietan sartu gure gaitue, eta orre- gaitik Aznar'ek esaten dauan lez «PUEBLO INMADURO» gu garalakoan euren «DESTINO'RA» sartu arte. Baiña estal- garri oiek banan-banan kentzen dautzeguz... eta Zirilloak egite eben ber-bera da: berenak batu eta besteenak ere bai ganbara bete arte. Azkenean erdiak baiño geiago usteldu dai- tezan; eta ez bakarrik aldamenekoak goseaz geratu, bai bera ere gosetuta txarto zainduagaitik. Bai -ta beti ere keiñadura bardiñekin aldameneko jazarraldiari, Zirillo baiño askoz makalagoa dalako, burua zartadaka apurtu dautselakoan.

Gure arteko borroka ere, bardin edo antzeko bat da !: azkarregi, edo beti lasterka askatasuna lortzeko gabiltzalako, askatasunak berak! bear dauan egokitasun gertakuntza barik. Eta ori askatasuna lortuta ere, betiko borrokaren bidea da ! Dana dala, gure gaurko eztabaida onen, askatasuna lortzea

atzeratu egiten dauela bai !, eta gure artean egokitasun txarra, urduritasuna, bata besteen ikus-eziña eta abar asko sortzen dauana ere bai !!, danok batera joan ez egitearren. Eta orrek, ziur gauza bi oneitatik bat esan gura dauela, biak ez-ba dira: «edo kasko-ariñak garela» zati aundi baten beintzat, edo «ELBURUA» ez dala bardiña danonatzat.

Eta emen benetan konturatu bear gara, GURE ERRIAK bizi ontan EUSKAL -SINISMENA aurrera eroateko, beti! elburu bi sakratu lez daukazela: bata «JAINKOA» eta bestea «LEGE-ZARRA».

JAINKOA: azken baten BERAGANA joan bear dogula- ko, BEREN LEGEA, Ludi onek oñarrituta daukana, ondo edo oker beteta.

LEGE-ZARRA: Erri zarra izateagaitik ondo baiño obeto ikasi dauelako.

Izadi onek daukan LEGEAZ OIÑARRITUTA joan bear dauela aun-era. Antziñan konturatu zalako, ERAK ezberdiñak izateaz-gain, amai-bakoak izan leikezana, beti! sustraiekin, Ludi onek daukan OÑARRIEKIN bideratuta izan bear dira- lako gure ekintza guztiak; beste guztia bide maldatsu-bat bes- terik ez dalako: burua, eskuak, anak apurtu eta eriotzak egi- ten diran lekua baiño ez.

Euskaldunak gogaketa sakon-sakon bat egin bear dogu, danok batera ELBURUARI begitzeko, ekintzan alkarrekin joan gaitezcan gure EUSKALERRI MAITE au ASKATU gura ba-dogu.

Albo baten itzi daiguzan besteen arrazoiak, gu gureakaz joan bear geralako, eta LEGEZ bete daiguzan gure ardura nagusiak.

«ASKATASUNA BEREZ AGERTUKO JAKU»

ATUTXA'tar PAUL

IPUIN-SARIKETA (BILBAO'KO UDALAREN BABESPEAN)

BILBAO
-D-IA
AI INTAM I INTC -
LAGUNTZAILLE

EUSKARAZALEAK ALKARTEA'k, urte guztietan lez aurtan be, ipuin sariketea iragarten dau, oiñarri-arauak oneik dirala:

Ipuiñak euskeraz eta erriak erabilten dauan euskalkia erabilliaz idatziak izan bearko dabe eta idaz- kerea, EUSKERAZAINNTZA'k argitaratua eta ZER aldizkarian erabilten dana.

Ipuiñak asmatu-rikoak edo errian batuak izango dira, ez idatzita dagozanak edo itzulpenak. Luzeera iru orrialdetik lau orrialdera, idazkiñez idatzita eta bitarte bi dirala. Saria irabazten dabe- nak ZER'en argitaratuko dira.

Saririk irabazten ez dabenak be bai ipuiñaren barrenean idazleak baimena emoten dauanean. Azillaren azkenerako EUSKARAZALEAK ALKARTEA'ren etxean (Bilbao'ko Colon de Larrea- tegi, 14, 2.ª eskoia) egon bear dabe. Abenduaren azkenerako emongo da maikoen erabagia eta Zer'en agertuko da, Urterillean.

Sariak lau izango dira:

- 1.ª 50.000 pezeta
- 2.ª 40.000 pezeta.
- 3.ª 30.000 pezeta.
- 4.ª 20.000 pezeta.
- 5.ª 10.000 pezeta.

Ipuiñak izen ordeagaz bialdu eta karta-azal txiki baten barruan izen-ordea ta izena.

EUSKARAZALEAK